



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1745-16-1/21
Sarajevo, 01.04.2022. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj: 39/14), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj: 103/14) na Preporuku Komisije za nabavku, broj: 06-11-1745-14-1/21 od 31.03.2022. godine, u postupku javne nabavke roba: "Vatrogasna oprema" za LOT 1. - VATROGASNE ZAŠTITNE KACIGE, direktor Kantonalne uprave civilne zaštite Kantona Sarajevo, *d o n o s i*

ODLUKU
o izboru najpovoljnijeg ponuđača
u postupku javne nabavke "Vatrogasna oprema" za
LOT 1. - VATROGASNE ZAŠTITNE KACIGE

Član 1.

Prihvata se Preporuka Komisije za nabavku, broj: 06-11-1745-14-1/21 od 31.03.2022. godine i Ugovor za javnu nabavku roba: "Vatrogasna oprema" za **LOT 1. - VATROGASNE ZAŠTITNE KACIGE** dodjeljuje se izabranom ponuđaču **FIRING d.o.o.**, ul. Čajengradaska bb, 71300 Visoko, prema ponudi broj: 123/22 od 25.03.2022. godine za ponuđenu cijenu u iznosu od 160.000,00 KM (slovima: jednastotinašezdesethiljada KM) bez PDV-a, kao najpovoljnijem ponuđaču.

Član 2.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

Član 3.

Ova odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 4.

Za realizaciju ove odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, 06-11-1745/21 od 09.11.2021. godine.

Predmetni postupak nabavke je sproveden putem otvorenog postupka javne nabavke.

Procijenjena vrijednost javne nabavke, "Vatrogasna oprema" za LOT 1. - VATROGASNE ZAŠTITNE KACIGE je 160.000,00 KM (bez uključenog PDV-a).

Komisija za nabavku je imenovana Odlukom, broj: 06-11-1745-1/21 od 09.11.2021. godine.

Obavještenje o nabavci, broj: 282-1-1-52-3-26/21, objavljeno je dana 17.12.2021. godine na Portalu javnih nabavki, kao i tenderska dokumentacija.

Komisija za nabavku dostavila je dana 31.03.2022. godine direktoru Kantonalne uprave civilne zaštite, Zapisnik o pregledu i ocjeni ponuda, Preporuku o izboru najpovoljnijeg ponuđača i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu primljenih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku zaprimljene 2 (dvije) ponude;
- Da su blagovremeno zaprimljene 2 (dvije) ponude;
- Da nije bilo neblagovremeno primljenih ponuda;
- Komisija u postupku javne nabavke, "Vatrogasna oprema" za LOT 1. - VATROGASNE ZAŠTITNE KACIGE je utvrdila da ponuda ponuđača FIRING d.o.o. Visoko ispunjava sve zahtjeve u pogledu opisa predmeta nabavke i tehničkih specifikacija.
- Komisija je utvrdila da ponuda ponuđača TEVE VARNOST ELEKTRONIKA d.o.o. Visoko, kao predstavnika grupe ponuđača i Dräger Safety d.o.o. Zagreb, kao člana grupe ponuđača, ne ispunjava sve zahtjeve TD i kao takva je nekvalifikovana i odbacuje se iz daljeg postupka javne nabavke vatrogasne opreme, zbog sljedećeg:
 - ponuđač TEVE VARNOST ELEKTRONIKA d.o.o. Visoko, kao predstavnik grupe ponuđača, dostavio je detaljnu tehničku specifikaciju sa jasno naznačenim svim komponentama robe koja se nudi – Aneks VII, propisno popunjenu, ali ista nije u skladu sa zahtjevima iz TD, odnosno u koloni 13 - veličina kacige iz Aneksa VII nije ponuđena veličina kacige na način kako je traženo TD (veličina: od 50 do 66 cm ili ekvivalent ovih mjera izraženo sa oznakama S, M, L, XL, XXL), već je ponuđena veličina kacige od 50 cm do 62 cm H1 i od 56 cm do 66 cm H2 identična kao H1. Ponuđač TEVE VARNOST Elektronika d.o.o., kao predstavnik grupe ponuđača, ponudio je dvije vatrogasne zaštitne kacige u različitim veličinama, a tražena je vatrogasna zaštitna kaciga u jednoj veličini, koja zadovoljava raspon od 50 do 66 cm ili ekvivalent ovih mjera izraženo sa oznakama S, M, L, XL, XXL. Nadalje, u istom Aneksu u koloni 21 montaža i demontaža integrisanog nosača svjetiljke sa svjetiljkom, ponuđač TEVE VARNOST ELEKTRONIKA d.o.o., kao predstavnik grupe ponuđača, ponudio je

da se ista montira i demontira sa odvijačem, a TD je traženo da montaža i demontaža integrisanog nosača svjetiljke sa svjetiljkom bude bez alata;

- grupa ponuđača TEVE VARNOST ELEKTRONIKA d.o.o., i Dräger Safety d.o.o. Zagreb, između ostalog, dostavili su certifikat EN 14458:2004, koji je povučen, a TD je tražen certifikat BAS EN 14458:2019 (identičan EN 14458:2018) ili ekvivalent, koji je važeći. Ponuđeni certifikat je izdat dana 16.08.2019. godine (original), dok je na prijevodu istog datum 16.08.2018. godine;

- uzorak ponuđene vatrogasne zaštitne kacige, od strane ponuđača TEVE VARNOST ELEKTRONIKA d.o.o., kao predstavnika grupe ponuđača, nije dostavljen prema zahtjevima iz Aneksa VII, odnosno u skladu sa tačkom 4.8 TD. Na dostavljenom uzorku je reflektirajuća traka sive boje, a traženo je da je crvene boje. Nadalje, na uzorku je oznaka veličine kacige od 50-60 cm H1, u unutrašnjosti obloge kacige zašivena je oznaka M, a traženo je da je veličina kacige od 50 cm do 66 cm ili ekvivalent ovih mjera izraženo sa oznakama veličine (S, M, L, XL i XXL). Također, na uzorku je praktično testirana montaža i demontaža integrisanog nosača svjetiljke sa svjetiljkom, gdje je utvrđeno da nije moguće izvršiti montažu i demontažu bez alata. Komisija je utvrdila i da je na zaštitnom viziru i zaštitnim naočalama utisnut certifikat EN 14458:2004, a traženo je da je uzorak ispunjava standard EN 14458:2018, kako je već gore navedeno.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bile osnov za neprihvatanje preporuke Komisije za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je Preporuka o izboru najpovoljnijeg ponuđača u postupku javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom, člana 64. stav 1. tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a



